

تَبْرَات تِيسَ سَنَات نَ يُوْحَنَّا

1

¹ غَ دَارَ أَوْفَقِيرَ يُوْحَنَّا، اِتْلِي يِسْتِي رَبِّي، نَنَات دَ تَرَوَا نَسَ لِي دَرِي عَزَانِينِ سَ لِحَقَّ، أُوْرُدْ نَكِّي كَا أَدَارَ عَزَانَ، وَلايِنِّي عَزَانَ كَلُو دَارَ وَلِي سَنِينِ لِحَقَّ. ² فَ سَبَّتَ نَ لِحَقَّ لِي كِينِخَ اِتَغِينِ پِرِي أَبَدًا دِيدِنِخَ يِلِي: ³ أَدَاوَنَ اِفَكَّ رَبِّي لِي يِنْكَانَ بَابَاتِنِخَ دَ سِيدِبِتِنِخَ يَسُوْعَ لَمَسِيْحَ لَبْرَكَا نَسَ دَ رَحْمَتِ نَسَ دَ لُهَنَا نَسَ، نَتَانَ لِي يِنْكَانَ يُوْسَ نَ بَابَاتِنِخَ سَ لِحَقَّ دَ تَايِرِي.

⁴ هَانَ فَرُحَنَ بَهْرَا أَشْكَوْ أُفِيخَنَ كَرَا غَ تَرَوَا نَمَ أَرَزْكَيَزَنَ غَ أَغْرَاسَ نَ لِحَقَّ، غَمَكْلِي فَاحَ يُوْصَا بَابَاتِنِخَ. ⁵ غِلَادَ أَوْلَتَمَا كَبِرِيَا أَرْكِيمَ تَضَلَابِنِخَ: أَكِينِخَ تَلِي تَايِرِي نَ اِنْكَرَاتِنِخَ. لُوْصِيَّتَ أَدَ لِي يَاوُونِينِ تَرَاخَ أُوْرَ تَكِي لَجْدِيدَ، وَلايِنِّي تَلَا يَادَ دَارِنِخَ غَمَنَ اِسَ اِزُووْرَ. ⁶ خَتَادَ أَيِنْكَانَ تَايِرِي: اَنْسَكَارَ سَ لُوْصِيَّاتِ نَسَ. خَتَادَ أَيِنْكَانَ لُوْصِيَّتَ نَسَ لِي مَ تَسَقْلَدَمَ غَمَنَ اِسَ اِزُووْرَ: اَنْسَكَارَمَ سَ تَايِرِي.

⁷ هَانَ كُوْتَنَ وَلِي فَكْنِينِ اِدُونِيَّتَ اَرْجُلُونِ مَدَنَ، أُوْرَا تَقْرُونِ سَ يَسُوْعَ لَمَسِيْحَ اِسَدَ يُوْشْكَا فَ صِيْفَتَ نَ اَفْكَانَ. وَنَا اِنْكَانَ غَمَكَانَ هَانَ اِنْكَا وَلِي يَجْلُونِ مَدَنَ اِنْكَ ضِيْضَ نَ لَمَسِيْحَ. ⁸ رَارَاتِ لَعَقْلَ سَ اِحْفَاوَنَ نُونَ، أُوْرَ تَجْلُوْمَ اَيْلِي نَسْكَرَ، اَنَامَزَ تَغْرَاضَ كَمَلْنِينِ. ⁹ وَنَانَ اِسُوْفَانَ اِوْلَمُوْدَ نَ لَمَسِيْحَ أُوْرَ كَيْسَ اِتَغِي هَانَ أُوْرَ دَارَسَ رَبِّي. وَنَا اِتَغِينِ غَ اَلْمُوْدَ نَ لَمَسِيْحَ هَانَ اِلَّا دَارَسَ بَابَاتِنِخَ اَلَّا يُوْسَ. ¹⁰ وَنَانَ دَرُونِ يُوْشْكَانَ اُوْرَنَ يُوِي اَلْمُوْدَ اَدَ، اَسْرَسَ اُوْرَ تَسْمَرْحَبَامَ غَ تَكْمِي نُونَ، اَلَّا تَسَلَمَ فَلَاسَ. ¹¹ أَشْكَوْ وَنَا فَلَاسَ اِسَلَمَنَ، هَانَ اِشْرَكَ دِيدِنَسَ غَ كَارَ لَافْعَالَ نَسَ.

¹² اِلَّا دَرِي كِيِنْكَانَ نَ مَاذَ اُوْنِ تَتِيخَ، وَلايِنِّي اُوْرِيخَ اَتِينِ اَرَاخَ غِيْدَ سَ صَمَحَ دَ لَكَاغَضَ، أَشْكَوْ كِيخَنَ رَجَا غَ اَنَ دَرُونِ أَشْكَخَ فَ اَيْلَمُقُوْرَ اَدَمَ اِنُو دَ وَنُونِ، نَكَاوَرُ نَجْمَعَا، فَايِنْكَ لَفْرُخَ نَخَ وَاذَ اِكْمَلَنَ. ¹³ اَرُ فَلَامَ تَسَلَامَنَ تَرَوَا نَ اَلْتَمَامَ لِي يِسْتِي رَبِّي.